

**«ՀԱՅԱՍՏԱՆԻ ՖՈՒՏԲՈԼԻ ՖԵԴԵՐԱՑԻԱ» ՀԱՄԱՐԱԿԱԿԱՆ
ԿԱԶՄԱԿԵՐՊՈՒԹՅԱՆ ԿԱՐԳԱՊԱՀԱԿԱՆ ԵՎ ԷԹԻԿԱՅԻ ԿՈՄԻՏԵ**

Հասցեատեր՝

«Սյունիք ՖԱ» ՍՊԸ

Էլեկտրոնային փոստի հասցե՝ fc.gandzasar.kapan@gmail.com

«Հայաստանի ֆուտբոլի ֆեդերացիա» հասարակական կազմակերպության

Կարգապահական և էթիկայի կոմիտեի

Ո Ր Ո Շ ՈՒ Մ

27.10.2024թ.

Նախագահ
Անդամներ

Կարեն Հովհաննիսյան
Դավիթ Բակլաչյան
Հենրիկ Խաչատրյան
Արփի Լազարյան

Վարույթ՝
Խախտում՝

ԱԽ-048

1. Խաղի ժամանակահատվածում «Սյունիք» թիմի գլխավոր մարզիչ Արամ Ոսկանյանի (136) կողմից մրցավարի կայացրած որոշումների նկատմամբ անհամաձայնություն դրսևորելը (Հավելված 1 Ա, 33-րդ կետ)

2. «Սյունիք» թիմի ֆուտբոլիստ Սևակ Ասլանյանի (23271) կողմից մրցավարի հասցեին վիրավորական արտահայտություններ թույլ տալը (Հավելված 1 Բ, 17-րդ կետ)

Առաջնություն՝
Խաղ

Առաջին խմբի առաջնություն
«Լեռնային Արցախ» - «Սյունիք», 17.10.2024թ.

ՀՖՖ Կարգապահական և էթիկայի կոմիտեն որոշեց՝

- Հիմք ընդունելով [ՀՖՖ Կարգապահական և էթիկայի կանոնակարգի \(2024թ. խմբագրություն\)](#) 19-րդ հոդվածի 4-րդ կետը՝ «Սյունիք» թիմի գլխավոր մարզիչ Արամ Ոսկանյանի (136) նկատմամբ չկիրառել որևէ պատասխանատվության միջոց:
- «Սյունիք» թիմի ֆուտբոլիստ Սևակ Ասլանյանին (23271) որակազրկել 6 (վեց) խաղով: Որակազրկումը տարածվում է 2024 թվականի հոկտեմբերի 17-ից սկսած և ներառում է արդեն իսկ բաց թողնված խաղ(եր)ը (այդպիսիք լինելու դեպքում): Սահմանված կարգապահական պատասխանատվության միջոցի մի մասը՝ 4 (չորս) խաղ, պայմանականորեն չկիրառել: «Սյունիք» թիմի ֆուտբոլիստ Սևակ Ասլանյանի (23271) նկատմամբ փորձաշրջան սահմանել 3 (երեք) ամիս ժամկետով՝ մինչև 2025 թվականի հունվարի 17-ը ներառյալ:

Հիմք ընդունելով [ՀՖՖ Կարգապահական և Էթիկայի կանոնակարգի \(2024թ. խմբագրություն\)](#) 19-րդ հոդվածի 4-րդ կետը՝ «Սյունիք ՖԱ» ՍՊԸ-ին տուգանել նվազագույն աշխատավարձի քսանապատիկի՝ 20,000 ՀՀ դրամի չափով:

ՀՖՖ Կարգապահական և Էթիկայի կոմիտեի նախագահ՝
Կարեն Հովհաննիսյան

Ծանուցում

- ՀՖՖ կարգապահական և Էթիկայի կոմիտեի որոշումների բողոքարկման համար որոշմամբ պատասխանատվության միջոցի ենթարկված Ֆուտբոլային սուբյեկտը պետք է բողոքարկման վերաբերյալ գրավոր հայտարարություն ներկայացնի Կարգապահական գրասենյակ (disciplinary@ffa.am էլեկտրոնային հասցեով)՝ ի գիտություն Բողոքարկման կոմիտեին, համապատասխան որոշման մասին ծանուցվելուց հետո 3 (երեք) օրվա ընթացքում:
- Որոշմամբ հիմքերի տրամադրման համար համապատասխան Ֆուտբոլային սուբյեկտը պետք է բողոքարկման հայտարարություն ներկայացնելու հետ միասին ներկայացնի որոշման հիմքերը պատվիրելու համար նախատեսված 50,000 ՀՀ դրամի չափով տուրքի վճարումը հավաստող ապացույց: Նշված վճարը վերադարձման ենթակա չէ:
- Բողոքարկման հայտարարությունը ներկայացնելուց հետո 5 (հինգ) օրվա ընթացքում (այն դեպքում, երբ Ֆուտբոլային սուբյեկտը դիմել է որոշման հիմքերը ստանալու խնդրանքով՝ բողոքարկման 5-օրյա ժամկետը սկսում է հաշվարկվել այդ հիմքերը ստանալու պահից) Ֆուտբոլային սուբյեկտը նույն կարգով պետք է ներկայացնի հիմնավորված բողոքը, ինչպես նաև բողոքի ներկայացման համար նախատեսված համապատասխան տուրքը վճարելու վերաբերյալ ապացույցը: Բողոքարկման վճարը կազմում է 100,000 ՀՀ դրամ և ենթակա է վերադարձման յուրաքանչյուր դեպքում ԲԿ որոշմամբ սահմանված չափով՝ ըստ բավարարված պահանջների համամասնության:
- Նշված ժամկետներում բողոքարկման գրավոր հայտարարություն չներկայացնելը հանգեցնում է որոշման վերջնական և պարտադիր դառնալուն, և համարվում է, որ կողմը հրաժարվել է բողոք ներկայացնելու իր իրավունքից: